

Na osnovu člana 7. stav 2. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, br. 102/13, 09/14, 13/14, 08/15, 91/15, 102/15, 104/16, 5/18, 11/19 i 99/19), člana 13. Zakona o principima lokalne samouprave u Federaciji BiH („Službene novine Federacije BiH“, br.: 49/06 i 51/09) i člana 19. Statuta Općine Novo Sarajevo („Službene novine Kantona Sarajevo“, br. 5/20-prečišćeni tekst i 20/20-ispravka), Općinsko vijeće Novo Sarajevo na 9. redovnoj sjednici održanoj dana \_\_.10.2021. godine, donijelo je

Nacrt

## **O D L U K U** **o izvršavanju Budžeta Općine Novo Sarajevo za 2022. godinu**

### **I – OPĆE ODREDBE**

#### **Član 1.**

##### **(Predmet Odluke)**

Ovom Odlukom uređuje se: struktura prihoda i primitaka, te rashoda i izdataka budžeta i njegovo izvršavanje, prioriteta plaćanja, obim zaduživanja i izdavanje garancija, upravljanje dugom, te finansijskom i nefinansijskom imovinom, prava i obaveze korisnika budžetskih sredstava, ovlaštenja Općinskog načelnika u izvršavanju budžeta za tekuću godinu, kazne za neispunjenje obaveza, te druga pitanja vezana za izvršavanje budžeta.

#### **Član 2.**

##### **(Donošenje Budžeta)**

- (1) Budžet Općine Novo Sarajevo je akt kojim se planiraju prihodi i primici, te rashodi i izdaci Općine Novo Sarajevo (u daljem tekstu: Općina), za razdoblje od 1.1.-31.12.2022.g. a kojeg donosi Općinsko vijeće.
- (2) Ukoliko se ne donese Budžet do 31.12., Općinsko vijeće donosi Odluku o privremenom finansiranju. Na osnovu Odluke o privremenom finansiranju, nastavlja se finansiranje poslova, funkcija i programa korisnika Budžeta najduže za prva tri mjeseca tekuće fiskalne godine.
- (3) Privremeno finansiranja provodi se u skladu sa članom 35. Zakona o budžetima u FBiH.

#### **Član 3.**

##### **(Budžetski principi)**

- (1) Svi prihodi i primici, rashodi i izdaci iskazuju se u Budžetu prema bruto principu.
- (2) Budžet mora biti uravnotežen tako da ukupni prihodi i primici pokrivaju ukupne rashode i izdatke, izuzev u slučaju opisanom članom 43. stav 1. Zakona o budžetima u FBiH.
- (3) Obaveze na teret Budžeta tekuće godine mogu se preuzimati samo za namjene i do visine utvrđene u posebnom dijelu Budžeta, ako su za to ispunjeni svi zakonom, ovom Odlukom i drugim propisima utvrđeni uvjeti.
- (4) Evidentiranje i priznavanje prihoda i primitaka te rashoda i izdataka zasniva se na modificiranom računovodstvenom principu nastanka događaja, tako da se prihodi i primici priznaju u periodu kad su mjerljivi i raspoloživi, a rashodi i izdaci u trenutku nastanka obaveze.

#### **Član 4.**

##### **(Fiskalna procjena)**

Prijedlozi odluka i drugih propisa i akata koje donosi Općinsko vijeće, u okviru obrazloženja, moraju obavezno sadržavati i obrazloženje fiskalne procjene posljedica na budžet iz koje se mora vidjeti povećavaju li se ili smanjuju prihodi ili rashodi budžeta.

### **II - SADRŽAJ BUDŽETA**

#### **Član 5.**

##### **(Sadržaj Budžeta)**

- (1) Budžet se sastoji od općeg i posebnog dijela i kapitalnog budžeta.
- (2) Opći dio Budžeta čini Račun prihoda i primitaka, te rashoda i izdataka i Računa finansiranja.
- (3) U Računu prihoda i rashoda iskazuju se u okviru prihoda porezni i neporezni prihodi, drugi prihodi i primici Općine razvrstani po ekonomskoj i fondovskoj/izvorskoj klasifikaciji, a u okviru

- rashoda iskazuju se rashodi i izdaci razvrstani po ekonomskim kategorijama i izvorima finansiranja.
- (4) U Računu kapitalnih primitaka i izdataka iskazuju se primici od nefinansijske imovine i izdaci za nefinansijsku imovinu.
  - (5) U Računu finansiranja iskazuju se primici od finansijske imovine, primljeni krediti i zajmovi, te izdaci za finansijsku imovinu i otplatu kredita i zajmova.
  - (6) Posebni dio Budžeta sastoji se od plana rashoda i izdataka razrađen po analitičkim, ekonomskim i fondovskim/izvorskim klasifikacijama na nivou glavne grupe, te budžetskim programima sa projektima, zbirnog pregleda budžetskih izdataka po funkcionalnoj klasifikaciji i pregledom kapitalnih investicija.
  - (7) Kapitalni Budžet čine izdvajanja za kapitalne investicije po godinama i po izvorima finansiranja.
  - (8) Višak prenesenih neutrošenih sredstava iz prethodnih godina raspoređen je na izdatke i pokriće tekućeg deficita u Budžetu za 2022. godinu, a u skladu sa Zakonom o Budžetima u FBiH.
  - (9) Općina je jedini budžetski korisnik u skladu sa Registrom budžetskih korisnika Općine Novo Sarajevo za 2022. godinu („Službene novine Kantona Sarajevo“ br. 20/21).
  - (10) Pravobranilaštvo i općinske službe su potrošačke jedinice koje se ne iskazuju pojedinačno u posebnom dijelu Budžeta.

### **III– IZVRŠAVANJE BUDŽETA**

#### **Član 6.**

##### **(Trezorsko poslovanje)**

Trezorsko poslovanje obuhvata poslove upravljanja novčanim sredstvima, upravljanje računima koji su u sistemu Jedinственог računa trezora, planiranje novčanih tokova, upravljanje plaćanjima, centralizovanog obračuna plaća, upravljanje računovodstvom te finansijskim izvještavanjem. Trezorsko poslovanje se obavlja na osnovu Zakona o trezoru u FBiH („Službene novine FBiH“, br. 26/16 i 3/20) i Uputstva o izvršavanju budžeta sa jedinstvenog računa Trezora („Službene novine FBiH“, br. 34/16).

#### **Član 7.**

##### **(Plan novčanih tokova)**

- (1) Služba za privredu, budžet i finansije nadležna je za planiranje tromjesečnih i mjesečnih novčanih tokova kojima se projicira priliv i odliv sredstava sa Jedinственог računa Trezora (u daljem tekstu: JRT) i koji predstavljaju osnovu za izvršavanje Budžeta.
- (2) U svrhu izrade tromjesečnih i mjesečnih planova novčanih tokova Služba za privredu, budžet i finansije će, između ostalih, koristiti i slijedeće izvore podataka:
  - a) krajnje stanje na JRT za prethodni period,
  - b) prognoze o svim prihodima na JRT,
  - c) prognoziranje svih rashoda i izdataka.
- (3) Plan novčanih tokova razmatra i odobrava odbor za likvidnost budžeta, koji imenuje Općinski načelnik. Ako se u toku budžetske godine, zbog nastanka novih obaveza za budžet ili promjena privrednih kretanja povećaju rashodi i/ili izdaci, odnosno smanje prihodi i/ili primici budžeta, Općinski načelnik može, na prijedlog Službe za privredu, budžet i finansije, donijeti odluku o mjerama privremene obustave izvršavanja budžeta, odnosno obustavljanju izvršavanja pojedinih rashoda i/ili izdataka u trajanju od 45 dana. O odluci Općinski načelnik mora obavijestiti Općinsko Vijeće odmah nakon donošenja odluke.
- (4) Ako se za vrijeme provođenja mjera privremene obustave izvršavanja budžeta, budžet ne može uravnotežiti, vrše se izmjene i dopune budžeta. Općinski načelnik mora u roku od 15 dana prije isteka roka za privremenu obustavu izvršavanja budžeta predložiti Općinskom Vijeću izmjene i dopune budžeta.

## **Član 8.**

### **(Finansijski - operativni planovi)**

- (1) Na osnovu instrukcije Službe za privredu, budžet i finansije, Općinske službe, kao nosioci realizacije aktivnosti, pripremaju i podnose prijedloge operativnih planova rashoda i izdataka Službi za privredu, budžet i finansije.
- (2) Tromjesečne operativne planove izvršavanja Budžeta utvrđuje i odobrava Općinski načelnik na prijedlog Pomoćnika službe za privredu, budžet i finansije. Budžetski korisnici dostavljaju tromjesečne finansijske planove za izvršenje Budžeta 15 dana prije početka tromjesečja. Tromjesečni planovi su okvirni planovi. Ukoliko korisnik budžeta ne podnese prijedlog operativnog plana Službi za privredu i finansije u propisanom roku, mjesečni operativni plan za tog korisnika utvrdit će Služba za privredu i finansije.
- (3) U skladu sa odobrenim planom novčanih tokova i raspoloživim novčanim sredstvima, a na osnovu odobrenog mjesečnog operativnog plana potrošačkih jedinica, vrši se rezervacija sredstava za realizaciju projekata i izmirenje obaveza.
- (4) Potrošačke jedinice, korisnici budžeta, mogu koristiti odobrena sredstva samo za namjene koje su određene Budžetom, u skladu sa odobrenom visinom i dinamikom utvrđenom u tromjesečnim i mjesečnim operativnim planovima.

## **Član 9.**

### **(Imovina)**

- (1) Dokumentacija o stečenim nekretninama se dostavlja Pravobranilaštvu u roku od 30 dana od dana sticanja.
- (2) Pravobranilaštvo će sastaviti zemljišnoknjižni prijedlog i isti podnijeti nadležnom sudu radi upisa u zemljišne knjige.
- (3) Pravobranilaštvo je dužno u roku od 30 dana od dana dobivanja dokaza o upisu u zemljišn knjige Službi za privredu, budžet i finansije dostaviti isti, radi evidentiranja u pomoćnoj i Glavnoj knjizi.
- (4) Svaka promjena imovine (pokretne i nepokretne) mora biti evidentirana u Glavnoj knjizi, na osnovu dokumentacije koju dostave Službe koje neposredno učestvuju u nabavci, otuđenju ili promjeni vlasništva.

## **Član 10.**

### **(Prioriteti izvršavanja budžeta)**

- (1) U slučaju da priliv sredstava ne prati planiranu dinamiku, realizacija obaveza se vrši prema slijedećim prioritetima:
  - a) Sredstva za rad općinskih organa i ostali izdaci:
    1. otplata duga i kamata i naknada po sudskim presudama;
    2. porez na dodanu vrijednost i drugi porezi po posebnim propisima;
    3. plaće zaposlenih i naknade troškova zaposlenih;
    4. materijalni i drugi troškovi neophodni za rad općinskih službi;
    5. naknade za rad vijećnika i radnih tijela u Općinskom vijeću;
    6. grantovi u oblasti socijalnih davanja;
    7. ostalo.
  - b) Namjenska sredstva:
    1. ugovorene obaveze i završetak započelih projekata;
    2. obavezni tekući poslovi na održavanju objekata komunalne infrastrukture i saobraćaja;
    3. investiciono održavanje objekata;
    4. grantovi javnim preduzećima i ustanovama čiji je osnivač Općina;
    5. novi kapitalni projekti;
    6. grant sredstva drugim nivoima vlasti, javnim preduzećima i ustanovama;
    7. ostalo.

## **Član 11.**

### **(Preraspodjela budžetskih rashoda)**

- (1) Općinski načelnik može donijeti Zaključak o preraspodjeli rashoda i izdataka u okviru ukupno planiranog Budžeta uz popunjen i odobren zahtjev potrošačke jedinice i Službe za privredu, budžet i finansije i to kumulativno do 10% ukupno planiranih rashoda i izdataka Budžeta, u toku jedne godine.
- (2) Uz zahtjev za preraspodjelu odobrenih sredstava potrošačka jedinica mora priložiti odgovarajuću dokumentaciju na osnovu koje se Službi za privredu, budžet i finansije daju na uvid razlozi za dodatnim sredstvima na budžetskoj stavci koja se povećava do kraja godine, odnosno razlozi za smanjenje odobrenih budžetskih stavki.
- (3) Općinski načelnik je obavezan izvijestiti Općinsko Vijeće o izvršenoj preraspodjeli sredstava iz stava 1. ovog člana u okviru polugodišnje informacije i po godišnjem izvršenju Budžeta.

## **Član 12.**

### **(Odgovornost korisnika budžetskih sredstava)**

- (1) Sve potrošačke jedinice odgovorne su za zakonito, namjensko, efikasno i ekonomično raspolaganje budžetskih sredstava.
- (2) Općinski načelnik u skladu sa propisima raspolaže i izvršava Budžet Općine u skladu sa dinamikom priliva sredstava, ovom Odlukom i važećim propisima.
- (3) Pomoćnici načelnika odgovorni su za potpunu i pravovremenu naplatu prihoda i primitaka i dužni su provesti sve zakonom propisane radnje u cilju naplate potraživanja iz svoje nadležnosti ili bilo kojeg drugog potraživanja na osnovu javnih prihoda. Pomoćnici načelnika i Općinski pravobranilac kao nosioci realizacije aktivnosti iz svoje nadležnosti odgovorni su za zakonito izvršavanje svih rashoda i izdataka u skladu sa namjenom.
- (4) Svaki rashod i izdatak iz budžeta mora se zasnivati na vjerodostojnoj knjigovodstvenoj ispravi i pratećoj dokumentaciji kojom se dokazuje zakonita procedura obaveze za plaćanje. Lica iz stava 3. ovog člana obavezna su nadzirati namjensko korištenje budžetskih sredstava za koja su nadležni.
- (5) Dužničko-povjerilački odnos koji za sobom nosi trošenje budžetskih sredstava ne može biti pokrenut ako nije odobren budžetom i uz obaveznu saglasnost i rezervisanje sredstava od strane Službe za privredu, budžet i finansije.
- (6) Odgovorna lica koja u skladu sa utvrđenim procedurama prate realizaciju ugovorenih obaveza svojim potpisom knjigovodstvene isprave potvrđuju da su izvršili provjeru pravnog osnova i visinu obaveze koja iz nje proizlazi i da su saglasni za izmirenje obaveze.

## **Član 13.**

### **(Izjava o fiskalnoj odgovornosti)**

- (1) Općinski načelnik je dužan svake godine za prethodnu budžetsku godinu, za period u kojem je obavljao poslove Općinskog načelnika popuniti izjavu o fiskalnoj odgovornosti.
- (2) Supotpisnici izjave iz prethodnog stava ovog člana su sva odgovorna lica – pomoćnici načelnika i Općinski pravobranilac sukladno vremenu provedeno na poziciji.

## **Član 14.**

### **(Primjena Zakona o javnim nabavkama)**

Postupak nabavke roba, usluga i radova vrši se u skladu sa Zakonom o javnim nabavkama Bosne i Hercegovine, podzakonskim aktima, te Planom javnih nabavki Općine za 2022. godinu.

## **Član 15.**

### **(Izvršavanje sredstava budžeta)**

- (1) Sredstva utvrđena u Budžetu na ekonomskom kodu **611000** - bruto plaće i naknade, **612100** – doprinosi poslodavaca i **6139000** – naknade vijećnicima, članovima radnih tijela (komisijama), općinskoj izbornoj komisiji, naknade osobama na stručnom usavršavanju bez zasnivanja radnog odnosa, te članovima Savjeta mjesnih zajednica realiziraju se u skladu sa:

- a) Odlukom o utvrđivanju platnih razreda i koeficijenata za plaće, dodataka na plaću i naknada plaće izabranih dužnosnika, nosioca izvršnih funkcija i savjetnika, državnih službenika i namještenika Općine Novo Sarajevo;
  - b) Zakonom o plaćama i naknadama u organima vlasti Federacije Bosne i Hercegovine i Pravilnikom o plaćama i naknadama državnih službenika i namještenika Općine Novo Sarajevo;
  - c) Sporazumom sa Sindikatom o utvrđivanju osnovice za obračun plaće i toplog obroka državnih službenika i namještenika Općine Novo Sarajevo za 2022. godinu,
  - d) Zaključkom Općinskog načelnika u skladu sa Odlukom o visini naknade za rad članova Općinske izborne komisije Novo Sarajevo;
  - e) Zaključkom Općinskog načelnika u skladu sa Odlukom o naknada vijećnicima i članovima radnih tijela Općinskog vijeća;
  - f) Zaključkom Općinskog načelnika u skladu sa Odlukom o visini naknade za rad članova savjeta mjesnih zajednica;
  - g) Drugim pravilnicima kojim će se pobliže utvrditi kriteriji i uslovi, a koje donosi Općinski načelnik i akti koji regulišu pitanja naknada;
  - h) Zaključcima Općinskog načelnika, na osnovu odgovarajućih propisa.
- (2) Osnovica za obračun plaće i bod za obračun plaće utvrđuju se pregovorima Općinskog načelnika sa Sindikatom prije usvajanja ove Odluke a primjenjivat će se za period od 01.01.2022. godine do 31.12.2022. godine.
- (3) Pravo na naknadu i ostale troškove koji nastaju u vezi sa službenim putovanjima utvrđuje se u skladu sa Pravilnikom kojim se pobliže utvrđuju kriteriji i uslovi o naknadama troškova za službena putovanja.
- (4) Sredstva utvrđena u Budžetu na ekonomskom kodu **613900** – ugovorene i druge posebne usluge realiziraju se na sljedeći način:
- a) Sredstva za Dan općine, raspoređuju se u skladu sa kriterijima utvrđenim Programom obilježavanja Dana općine na prijedlog Organizacionog odbora uz Zaključak Općinskog načelnika,
  - b) Grant parlamentarnim političkim strankama se realizuje shodno Odluci o učešću Općine Novo Sarajevo u finansiranju političkih stranaka odnosno koalicija političkih stranaka zastupljenih u Općinskom vijeću Novo Sarajevo, na osnovu zaključka Općinskog načelnika.
  - c) Troškovi postupka na ime zadržavanja umobolnih lica na liječenju isplaćuju se na osnovu sudskih rješenja, putem Pravobranilaštva Općine,
  - d) Sredstva za organizovanje rekreativno-sportskih aktivnosti penzionera realizuju se na osnovu poziva, a u skladu sa iskazanim interesom navedene populacije,
  - e) Sredstva za organizaciju rekreativno-sportskih i memorijalnih manifestacije za boračku populaciju realizuju se na osnovu poziva, a u skladu sa iskazanim interesom navedene populacije,
  - f) Sredstva za obilježavanje značajnih datuma raspoređuju se Zaključkom Općinskog načelnika, u skladu sa Programom obilježavanja i planom utroška sredstava za 2022.godinu usvojenih od strane Općinskog vijeća,
  - g) Sredstva za stručne usluge za izradu strateških dokumenata kao i Sredstva za promociju privrede i lokalni ekonomski razvoj raspoređuju se Zaključkom Općinskog načelnika, a na osnovu prijedloga nadležne službe,
  - h) Sredstva za Family day raspoređuju se Zaključkom Općinskog načelnika, a na osnovu prijedloga nadležne službe,
  - i) Sredstva za Dječiju čaroliju raspoređuju se Zaključkom Općinskog načelnika, a na osnovu prijedloga nadležne službe,
  - j) Sredstva za alpsko i nordijsko skijanje realizuju se na osnovu poziva, a u skladu sa iskazanim interesom učenika koji pohađaju osnovnu škola sa mjestom stanovanja na području Općine Novo Sarajevo,
  - k) Sredstva za održavanje školskih i sportskih takmičenja realizuju se u skladu sa Kalendarom Prosvjetno-pedagoškog Zavoda Kantona Sarajevo,

- l) Ostale usluge raspoređuju se Zaključkom Općinskog načelnika, a na osnovu planiranih aktivnosti nadležnih službi,
  - m) Sredstva za međunarodnu saradnju, raspoređuju se Zaključkom Općinskog načelnika.
  - n) Realizacija sredstava na ekonomskom kodu **614100**-Grantovi drugim nivoima vlasti vrši se u skladu zakonom i podzakonskim aktima, a na osnovu zaključenih sporazuma, memoranduma o suradnji, ugovora, zaključaka i rješenja.
- (5) Sredstva utvrđena u Budžetu na ekonomskom kodu **614200** - Grantovi pojedincima, realiziraju se na sljedeći način:
- a) Sredstva transfera za podršku stambenom zbrinjavanju mladih putem ostvarivanja prava na subvenciju plaćenog poreza na promet nekretnina ili plaćenog poreza na dodatnu vrijednost (PDV) ostvaruje se na osnovu Odluke Općinskog vijeća, i utvrđenih kriterija a putem nadležne službe,
  - b) Sredstva za alternativni smještaj raseljenih lica isplaćuju se u skladu sa Zakonom o prestanku primjene Zakona o napuštenoj imovini u vlasništvu građana (Službene novine FBiH broj 43/99), a na osnovu Zaključka Općinskog načelnika, po prijedlogu nadležne službe,
  - c) Grant za ostala socijalna davanja, u skladu sa Odlukom Općinskog vijeća o uslovima, načinu, kriterijima i iznosu sredstava za dodjelu jednokratne novčane pomoći, raspoređuju se Zaključkom Općinskog načelnika na prijedlog Komisije Općinskog načelnika, putem nadležne službe,
  - d) Grant za prevoz učenika koji imaju problema u kretanju realizuje se na osnovu Zakona o osnovnom odgoju i obrazovanju, na osnovu sporazuma sa javnim ustanovama,
  - e) Grant nezaposlenim porodicama raspoređuju se u skladu sa Odlukom o novčanoj pomoći porodicama koje nisu u radnom odnosu, na osnovu zaključaka Općinskog načelnika putem nadležne službe,
  - f) Grant za jednokratne naknade za porodilje po rođenju blizanaca, trećeg i svakog narednog djeteta realiziraju se na osnovu Odluke o dodjeli jednokratnih naknada za porodilje po rođenju blizanaca, trećeg i svakog narednog djeteta, na osnovu zaključaka Općinskog načelnika, putem nadležne službe,
  - g) Grant za sufinansiranje troškova medicinski potpomognute oplodnje realizuje se u skladu sa Pravilnikom kojim se pobliže utvrđuju kriteriji i uslovi za dodjelu sredstava, na osnovu zaključaka Općinskog načelnika, putem nadležne službe,
  - h) Grant za sufinansiranje troškova nabavke udžbenika za učenike koji imaju pravo na dodatak za djecu realizuje se na osnovu Zaključka Općinskog načelnika, a putem nadležne službe,
  - i) Grant pojedincima iz fonda BIZ raspoređuju se u skladu sa kriterijima utvrđenim Odlukom Općinskog vijeća, na prijedlog Komisije, na osnovu zaključaka Općinskog načelnika, putem nadležne službe,
  - j) Grant djeci bez oba roditelja raspoređuje se korisnicima u skladu sa Odlukom o kriterijima za dodjelu pomoći djeci bez oba roditelja, na osnovu zaključaka Općinskog načelnika, putem nadležne službe,
  - k) Grant sredstva za ugradnju ručnih komandi na motorna vozila za RVI – paraplegičare na osnovu odobrenog zahtjeva od strane Općinskog načelnika uz obavezu provođenja javne nabavke,
  - l) Grant sredstva za RVI – paraplegičare na osnovu Zaključaka Općinskog načelnika, putem nadležne službe,
  - m) Sredstva za šehidske porodice na osnovu Zaključaka Općinskog načelnika, putem nadležne službe,
  - n) Mjesečne naknade za dopunska prava boraca i naknade za troškove dženaza i sahrana će se izvršavati na osnovu uplaćenih transfera od Ministarstva za boračka pitanja KS a po osnovu Zakon o dopunskim pravima boraca-branitelja BiH;
  - o) Grant za mobilnost mladih realizuje se u skladu sa Zaključkom Općinskog načelnika, a na osnovu donešenog Pravilnika kojim će se pobliže utvrditi kriteriji i uslov za dodjelu sredstava, a putem nadležne službe,

- p) Sredstva za nagrade osvojene na školskim i sportskim takmičenjima realizuju se u skladu sa Kalendarom Prosvjetno-pedagoškog Zavoda Kantona, na osnovu Zaključka Općinskog načelnika a putem nadležne službe,
  - q) Grant za dodjelu stipendija za učenike i studente raspoređuju se na osnovu usvojenog Pravilnika o dodjeli stipendija od strane Općinskog vijeća, putem javnog poziva i prijedloga komisije, na osnovu zaključaka Općinskog načelnika, putem nadležne službe,
  - r) Nabavka sportske opreme i podrška sportskim kandidatima u kvalifikacijama za odlazak na evropska, svjetska takmičenja i Olimpijske igre realizovat će se u skladu Zaključkom Općinskog načelnika, a na osnovu donešenog Pravilnika kojim će se pobliže utvrditi kriteriji i uslov za dodjelu sredstava, a putem nadležne službe,
  - s) Podrška odlasku na takmičenja učenika iz škola sa područja ONS na državnom i međunarodnom nivou na osnovu Zaključaka Općinskog načelnika, putem nadležne službe,
  - t) Transfer dobitnicima najvećih priznanja na domaćim i međunarodnim takmičenjima na osnovu Zaključaka Općinskog načelnika, putem nadležne službe.
- (6) Sredstva utvrđena u Budžetu na ekonomskom kodu **614300** – grantovi neprofitnim organizacijama realizuju se na sljedeći način:
- a) Grant parlamentarnim političkim strankama na osnovu Odluke o učešću Općine Novo Sarajevo u finansiranju političkih stranaka odnosno koalicije političkih stranaka zastupljenih u Općinskom vijeću Novo Sarajevo, putem zaključka Općinskog načelnika,
  - b) Grant sredstva za realizaciju projekata za djecu i odrasle osobe sa poteškoćama u razvoju realiziraju se putem javnog poziva i u skladu sa LOD metodologijom na osnovu Zaključka Općinskog načelnika, a putem nadležne službe,
  - c) Grant za Općinsku organizaciju Crvenog križa Novo Sarajevo na osnovu Zaključka Općinskog načelnika, a putem nadležne službe,
  - d) Troškovi finansiranja „Porodične kuće“ u SOS dječijem selu realizirat će se putem Sporazuma o finansiranju jedne porodične kuće a na osnovu Zaključka Općinskog načelnika;
  - e) Grant za javne kuhinje putem javnog poziva na osnovu Zaključka Općinskog načelnika, a putem nadležne službe,
  - f) Grant za projekte boračkih udruženja realizira Služba za oblast boračko invalidske zaštite putem javnog poziva na osnovu Odluke Općinskog načelnika, u skladu sa LOD metodologijom,
  - g) Grant za za podršku radu boračkih udruženja od značaja realizira u skladu sa Odlukom Općinskog vijeća o raspodjeli sredstava za 2022. godinu putem nadležne službe,
  - h) Inkubator poslovnih ideja za start up biznis realizuje se putem javnog poziva za jedinice lokalne samouprave i Ugovora o saradnji,
  - i) Sufinansiranje projekata za unapređenje razvoja sa lokalnog područja realizuje se apliciranjem za učešće u projektima domaćih fondova putem javnog poziva, a na osnovu potpisanog ugovora (sporazuma) o saradnji,
  - j) Fondacija Mozaik - Omladinska banka - realizuje se putem Memoranduma o saradnji između Fondacije Mozaik i Općine Novo Sarajevo,
  - k) Podrška projektima, manifestacijama i programima po zahtjevima na osnovu Zaključka Općinskog načelnika, a putem nadležne službe,
  - l) Grant za Centar za zdravo starenje realizira se na osnovu projekta odabranog putem javnog poziva, i zaključivanjem ugovora, putem nadležne službe,
  - m) Grant vjerskim zajednicama raspoređuje se Zaključkom Općinskog načelnika putem nadležne službe,
  - n) Grant za podršku Roditeljskoj kući raspoređuje se Zaključkom Općinskog načelnika putem nadležne službe,
  - o) Grant sredstva za JU Međunarodni centar za djecu i omladinu Novo Sarajevo, te grant za realizaciju kulturnih aktivnosti u okviru Sarajevo Film Festivala realizuje se Zaključkom Općinskog načelnika na osnovu ugovora o dodjeli sredstava, putem nadležne službe,
  - p) Grant fondu Ikre za dodjelu stipendija raspoređuje se Zaključkom Općinskog načelnika putem nadležne službe,
  - q) Grant za projekte udruženja za sport, kulturu i obrazovanje od značaja za Općinu provodi se na osnovu Odluke Općinskog Vijeća o javnom interesu u afirmaciji omladinskog i

- amaterskog sporta i kulturno umjetničke tradicije, raspoređuje se Zaključkom Općinskog načelnika putem nadležne službe,
- r) Grant sredstva za realizaciju projekata prema mladim provodi se na osnovu Odluke Općinskog vijeća putem javnog poziva, primjenjujući LOD metodologiju, na osnovu Zaključka Općinskog načelnika, a putem putem nadležne službe,
  - s) Grant sredstva za vanškolske aktivnosti po programu JU Međunarodni centar za djecu i omladinu provodi se prihvatanjem projektnog prijedloga i sklapanjem ugovora o namjenskom trošenju doznačenih sredstava, putem nadležne službe,
  - t) JU Međunarodni centar za djecu i omladinu projekat - Pozorište i film za sve generacije provodi se prihvatanjem projektnog prijedloga i sklapanjem ugovora o namjenskom trošenju doznačenih sredstava, putem nadležne službe,
  - u) Realizacija Programa edukacije i obuke o zaštite okoliša, na osnovu javnog poziva u skladu sa LOD metodologijom, Zaključka Općinskog načelnika putem nadležne službe,
  - v) Podrška projektima udruženja, realizira se na osnovu dostavljenih i prihvaćenih projekata udruženja i Odluke Štaba CZ,
  - w) Grant sredstva Dobrovoljnom vatrogasnom društvu Novo Sarajevo 1934 na osnovu Ugovora o međusobnim pravima i obavezama, a putem nadležne službe.
- (7) Sredstva utvrđena u Budžetu na ekonomskom kodu **614400** – subvencije javnim preduzećima raspoređuju se kako slijedi:
- a) Grant za školu streljaštva, Prevencija nogometnog huliganstva i nereda na sportskim terenima, Unapređenje zdravih stilova života, Novosarajevske sportske igre - sport dostupan svima i Škola rukometa realizovat će se u saradnji sa preduzećem ONSA, prihvatanjem projektnog prijedloga i sklapanjem ugovora o namjenskom trošenju doznačenih sredstava, putem nadležne službe,
  - b) Grant sredstva - Olimpijski bazen za školu plivanja plivanja realizira se u saradnji sa osnovnim školama na području Općine Novo Sarajevo, na osnovu ugovora sa pružaocem usluga, putem nadležne službe.
  - c) Grant KJKP PARK za uređenje parkovskih površina, u okviru Programa uređenja javnih površina i zaštite okoliša realizirat će se sa preduzećem KJKP Park na osnovu odredbi Sporazuma o uređenju javnih površina na području Općine Novo Sarajevo;
  - d) Grant KJKP RAD za komunalnu higijenu u okviru Programa uređenja javnih površina i zaštite okoliša realizirat će se sa preduzećem KJKP RAD na osnovu odredbi Sporazuma o održavanju komunalne higijene na području Općine Novo Sarajevo.
- (8) Sredstva utvrđena u Budžetu na ekonomskom kodu **614500** – subvencije privatnim preduzećima i poduzetnicima raspoređuju se kako slijedi:
- a) Obuka, dokvalifikacija i prekvalifikacija boračke populacije i drugih nezaposlenih osoba, Grant sredstva za aktivnu politiku zapošljavanja privatnim preduzećima i poduzetnicima i Podrška za uvođenje certifikata – realizuje se na osnovu Pravilnika kojim će se pobliže utvrditi kriteriji i uslov za dodjelu sredstava donesenog od strane Općinskog načelnika, putem javnog poziva i prijedloga komisije, zaključka Općinskog načelnika, ugovora o dodjeli sredstava, putem nadležne Službe,
  - b) Subvencija troškova obrade kredita i kamatne stope privatnim poduzetnicima i preduzećima realizirat će se na osnovu Pravilnika, Ugovora o realizaciji a putem nadležne službe;
  - c) Finansiranje troškova registracije obrta realizirat će se putem Zaključka Općinskog načelnika;
  - d) Nužne popravke na objektima kolektivnog stanovanja realizuje se na osnovu Pravilnika kojim će se bliže utvrditi kriteriji i uslovi donesenog od strane Općinskog načelnika, u skladu sa javnim pozivom, na osnovu Zaključka Općinskog načelnika, a putem nadležne službe,
- (9) Sredstva utvrđena u Budžetu na ekonomskim kodovima **614700** i **615700** – tekući i kapitalni transferi u inostranstvo realizuju se apliciranjem u projektima međunarodnih i evropskih fondova, te na osnovu potpisanih Sporazuma (ugovora), a u skladu sa propisima koji regulišu tu oblast.

- (10) Sredstva utvrđena u Budžetu na ekonomskom kodu **615000** – kapitalni transferi raspoređuju se na osnovu potpisanih Sporazuma i/ili Ugovora kojima će se bliže utvrditi način realizacije.
- (11) Sredstva utvrđena u Budžetu na ekonomskom kodu **615500** – kapitalni transferi privatnim preduzećima i poduzetnicima realizirat će se na osnovu raspisanog Javnog poziva, čiji se kriteriji ocjenjivanja definišu posebnim Pravilnikom.
- (12) Sredstva utvrđena u Budžetu na ekonomskom kodu **821000** – izdaci za nabavku stalnih sredstava, realizuju se uz primjenu Zakona o javnim nabavkama BiH („Službeni glasnik BiH“, broj 39/14).

#### **Član 16.**

##### **(Godišnji plan javnih poziva)**

- (1) Davaoci budžetskih sredstava u roku ne dužem od 30 dana od dana usvajanja programa utroška izrađuju godišnji plan raspisivanja javnih poziva za 2022. godinu za sredstva koja će dodjeljivati putem javnog poziva.
- (2) Godišnji plan javnih poziva objavljuje se na službenoj internet stranici Općine Novo Sarajevo i mora sadržavati minimalno sljedeće podatke:
  - a) naziv davaoca budžetskih sredstava,
  - b) naziv programa koji će biti predmet finansiranja;
  - c) planirano vrijeme objave javnog poziva;
  - d) ukupan iznos raspoloživih sredstava i
  - e) vremenski period za koji se javni poziv raspisuje.

#### **Član 17.**

##### **(LOD metodologija)**

- (1) Službe koje provode javne pozive u kojima je predviđena primjena LOD metodologija, dužne su u svemu pratiti priloge i Odluku o načinu odabira i praćenju realizacije projekata nevladinih/neprofitnih organizacija po LOD metodologiji. Za budžetske linije koje se planiraju rasporediti javnim pozivom, službe pokreću aktivnosti na objavi javnog poziva najdalje do kraja aprila tekuće godine.
- (2) Dinamika doznačivanja tranši / sredstava vrši se na osnovu zahtjeva nadležne službe i to u procentima 50% po automatizmu potpisivanja sporazuma, 40% se uplaćuje nakon što izvještaj o napretku pokaže da je utrošeno 80% ili više od novčanog iznosa koji je dobijen po potpisivanju sporazuma i posljednjih 10% novčanih sredstava bit će uplaćeno nakon prihvatanja Finalnog izvještaja, a odnosi se samo na one budžetom predviđene troškove za koje postoji finansijsko pokriće (računi i sl.).
- (3) Nadzor nad projektima i analiza rezultata javnog poziva koje vrše nadležne službe trebaju biti okončani najkasnije do 15.01.2023. godine.
- (4) Finansijski i narativni izvještaji dostavljaju se na obrascima propisnim u prilogu 24., 25., 26. i 27. LOD metodologije.

#### **Član 18.**

##### **(Sredstva posebne naknade za zaštitu od prirodnih i drugih nesreća)**

- (1) Sredstva posebne naknade za zaštitu i spašavanje planirana po Programu izdataka za prirodne i druge nesreće, odobrava Općinski načelnik putem Službe civilne zaštite, a na osnovu Plana korištenja sredstava posebne naknade za zaštitu i spašavanje za 2022. godinu kojeg donosi Općinski štab civilne zaštite u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća, Zakonom o zaštiti od požara i vatrogarstva, Zakonom o zaštiti životinja, Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća.
- (2) U slučaju proglašenja stanja prirodne i/ili druge nesreće primjenjivat će se zakonski i podzakonski akti nadležnih organa koji regulišu tu oblast.

## **Član 19.**

### **(Pravdanje namjenskih transfera)**

- (1) Svaki korisnik sredstava namjenskih grantova dužan je po završetku aktivnosti dostaviti nadležnim općinskim službama narativni i finansijski izvještaj o namjenskom utrošku budžetskih sredstava na propisanom obrascu, sa odgovarajućom finansijskom dokumentacijom. Finansijski izvještaji dostavljaju se na obrascu NS-OB-020 a narativni izvještaji na obrascima propisanim u prilogu 24. i 26. LOD metodologije. Dodijeljeni grantovi moraju biti opravdani mjesec dana po okončanju projekta, najkasnije do 15. januara naredne godine.
- (2) Korisnici budžetskih sredstava koji nisu adekvatno i u utvrđenom roku opravdali sredstva, ne mogu biti korisnici sredstava Budžeta Općine za naredne godine i moraju izvršiti povrat dodijeljenih, a ne opravdanih sredstava.
- (3) Analitikom Budžeta Općine (sastavni dio Programa rada službe) definirano je koja stručna služba je nadležna za realizaciju i kontrolu odobrenih sredstava na određenoj budžetskoj poziciji.
- (4) Nadležna općinska služba odgovorna je za davanje naloga za prenos sredstava, kao i prijem i praćenje i prihvatanje izvještaja o namjenskom utrošku sredstava iz Budžeta. Pomoćnik načelnika nadležne službe dužan je imenovati koordinatora za praćenje svakog pojedinačnog ugovora koji se realizuje po osnovu odobrenih sredstava i projekata.
- (5) Nadležna služba je, uz zahtjev za prenos sredstava korisniku, dužna Službi za privredu, budžet i finansije dostaviti i izvještaj imenovanog koordinatora, potvrđen od strane pomoćnika načelnika nadležne službe kojim odobrava izvještaj korisnika o namjenskom utrošku sredstava za prethodni izvještajni period.
- (6) Služba za oblast privredu, budžet i finansije neće odobriti i izvršiti prenos sredstava ukoliko nisu zadovoljeni svi uslovi iz ovog člana Odluke.

## **Član 20.**

### **(Povrati sredstava, sudske presude)**

- (1) Pogrešno ili više uplaćeni prihodi u Budžet, vraćaju se uplatiocima na osnovu rješenja koje donosi Ministarstvo finansija, odnosno rješenja Općinskog načelnika, putem službe nadležne za osnov sticanja prava na povrat, a u skladu sa Pravilnikom o procedurama za povrat, preknjižavanje pogrešno/više uplaćenih javnih prihoda sa Jedinstvenog računa Trezora Federacije Bosne i Hercegovine i postupku umanjenja obaveza („Službene novine Federacije BiH“, broj 20/18) i Pravilnikom o procedurama za povrat i preknjiženje pogrešno/više uplaćenih javnih prihoda sa Jedinstvenog računa Trezora Općine Novo Sarajevo (Broj: 02-14-1928/14 od 25.07.2014. godine).
- (2) Sredstva utvrđena na ekonomskom kodu 614800 - Povrat pogrešno ili više uplaćenih sredstava realizuje se uplatiteljima na osnovu rješenja Ministarstva finansija Kantona Sarajevo, odnosno rješenja Općinskog načelnika, putem službe nadležne za osnov sticanja prava na povrat.
- (3) Povrat pogrešno ili više uplaćenih sredstava u tekućoj budžetskoj godini vrši se na teret odgovarajućih tekućih prihoda.
- (4) Općinski pravobranilac dužan je redovno izvještavati Općinskog načelnika i nadležnu službu o toku sudskog postupka i mogućem roku i ishodu istog. U slučaju da su potrebna eventualna izdvajanja sredstava iz Budžeta po sudskoj presudi, nadležna služba obavještava i podnosi zahtjev sa konkretnom instrukcijom Službi za privredu, budžet i finansije za rezervaciju potrebnih sredstava i plaćanje.
- (5) Naknade po sudskim presudama, realiziraju se na osnovu pravomoćnih sudskih presuda uz instrukciju nadležne službe po odobrenju Općinskog načelnika.
- (6) Ukoliko se naknadno utvrdi da je isplata iz Budžeta izvršena nezakonito i/ili nenamjenski, budžetski korisnik, putem nadležne službe, je dužan odmah zahtijevati povrat budžetskih sredstava na JRT.

## **Član 21.**

### **(Sredstva tekuće rezerve)**

- (1) Sredstva tekuće rezerve planirana u Budžetu koriste se za nepredviđene namjene za koje u Budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva jer ih pri planiranju Budžeta nije bilo moguće predvidjeti.

- (2) Sredstva tekuće rezerve iz stava (1) ovog člana mogu iznositi najviše do 3% planiranih prihoda bez namjenskih prihoda, vlastitih prihoda i bez primitaka.
- (3) Sredstva tekuće rezerve koristit će se na osnovu kriterija za korištenje sredstava tekuće rezerve propisanih ovom Odlukom. O korištenju sredstava tekuće rezerve Budžeta može odlučivati Općinski načelnik u pojedinačnim iznosima do 20.000 KM. Zaključak o angažovanju sredstava tekuće rezerve u pojedinačnim iznosima preko 20.000 KM donosi Općinsko vijeće na prijedlog Općinskog načelnika.
- (4) Zaključak Općinskog načelnika i/ili zaključak općinskog vijeća moraju tačno da sadrže informacije da se sredstva izdvajaju sa budžetske pozicije tekuće rezerve, iznos sredstva koja se budžetiraju sa tekuće rezerve, ekonomski kod na koji se sredstva odobravaju, služba koja se zadužuje, funkcionalna klasifikacija, fond ili izvor, subanalitku te svrha izdvajanja sredstava iz tekuće rezerve.
- (5) Korisnik sredstava tekuće rezerve dužan je podnijeti izvještaj o utrošku sredstava, a neutrošeni dio odobrenih sredstava vratiti u tekuću rezervu.

#### **Član 22.**

##### **(Kriteriji za raspodjelu sredstava iz tekuće rezerve)**

- (1) Pod ne predviđenim rashodima i izdacima za koje u Budžetu nisu planirana sredstva ili rashodima i izdacima za koje se tokom godine pokaže da za njih nisu utvrđena dovoljna sredstva jer ih pri planiranju Budžeta nije bilo moguće predvidjeti, podrazumijevaju se:
  - (a) rashodi i izdaci nastali usljed okolnosti koje budžetski korisnik nije mogao predvidjeti na početku fiskalne godine;
  - (b) rashodi i izdaci koji nisu mogli biti odloženi za narednu godinu;
  - (c) rashodi i izdaci nastali usljed okolnosti na koje budžetski korisnik nije mogao uticati, a mogu dovesti do ugrožavanja zdravlja ljudi, materijalnih dobara i funkcionisanja rada budžetskog korisnika;
  - (d) rashodi i izdaci koji se ne mogu finansirati putem transfera ili preraspodjelom u okviru postojećeg budžeta.
- (2) Sredstva tekuće rezerve se ne mogu koristiti za pozajmljivanje.

#### **Član 23.**

##### **(Namjenski prihodi)**

Namjenski prihodi, grantovi i primici koji nisu planirani u Budžetu, a ostvare se u toku fiskalne godine, postaju sastavni dio Budžeta na osnovu Zaključka Općinskog načelnika o prihvatanju i raspoređivanju sredstava, a realiziraju se u skladu sa utvrđenom namjenom davaoca sredstava. Prikupljanje namjenskih sredstava izvršit će se na posebnom podračuna za ovu namjenu.

### **IV – POSEBNE ODREDBE**

#### **Član 24.**

##### **(Proširenje djelatnosti i osnivanje novog budžetskog korisnika)**

Ako se tokom tekuće godine proširi nadležnost ili djelokrug korisnika ili se osnuje novi korisnik, sredstva za njihovu djelatnost osigurati će se iz dosadašnjih ili drugih zakonom predviđenih izvora za finansiranje te djelatnosti. Predlagač izmjene (proširenja ili smanjenja nadležnosti djelokruga rada kao i reorganizacije postojećeg korisnika odnosno osnivanja novog) predložiti će Općinskom vijeću i način finansiranja.

#### **Član 25.**

##### **(Investiranje javnih sredstava)**

Općina je obavezna vršiti investiranje neangažovanih sredstava u svrhu povećanja sredstava Budžeta u skladu sa uslovima propisanim Zakonom o investiranju javnih sredstava („Službene novine FBiH“, broj 77/04 i 48/08), Pravilnikom o investiranju i Politikom investiranja raspoloživih novčanih sredstava Općine Novo Sarajevo za 2022. godinu broj: \_\_\_\_\_. Svi prihodi koji su stečeni investiranjem javnih sredstava uplaćuju se na JRT.

**Član 26.**  
**(Jedinstveni račun trezora)**

- (1) Platni promet Općine vrši se putem Jedinstvenog računa trezora Općine Novo Sarajevo koji se sastoji od depozitnog računa, glavnog računa i transakcijskih računa otvorenih kod ovlaštenih organizacija za obavljanje platnog prometa.
- (2) Vlastiti prihodi, transferi i namjenski prihodi uplaćuju se na depozitni račun Općine. Povrati koji se odnose na tekuću budžetsku godinu uplaćuju se na transakcijski račun, dok se povrati iz prethodnih godina uplaćuju na depozitni račun Općine.

**Član 27.**  
**(Primjena propisa, priznavanje prihoda i primitaka i rashoda i izdataka)**

Budžetski korisnici obavezni su primjenjivati budžetsko računovodstvo i računovodstvene politike za budžetske korisnike. Prihodi i primici priznaju se samo u onom periodu kada su mjerljivi i raspoloživi, odnosno kada su uplaćeni na JRT. Rashodi i izdaci priznaju se u onom periodu kada je obaveza nastala.

**Član 28.**  
**(Zaduživanje)**

Općina Novo Sarajevo može stvoriti obaveze po osnovu zaduživanja u skladu sa Zakonom o budžetima u Federaciji Bosne i Hercegovine („Službene novine FBiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i Zakonom o dugu, zaduživanju i garancijama u Federaciji Bosne i Hercegovine („Službene novine FBiH“, br. 86/07, 24/09, 44/10 i 30/16) i njihovim eventualnim izmjenama.

**V – IZVJEŠTAVANJE, NADZOR I REVIZIJA**

**Član 29.**  
**(Izvještavanje)**

- (1) Općinski načelnik putem Službe za privredu, budžet i finansije dužan je dostaviti periodične izvještaje Ministarstvu finansija Kantona Sarajevo, a Općinskom vijeću informaciju o podnesenom izvještaju, za periode od 1.januara do 31.marta 2021. godine, od 1. januara do 30. juna 2021. godine i od 1.januara do 30. septembra 2021. godine u roku od 20 dana po isteku obračunskog perioda, a za period od 1. januara do 31.decembra 2021. godine do 05. marta 2022. godine.
- (2) Općinski načelnik putem Službe za privredu, budžet i finansije dužan je dostaviti Komisiji za budžet i finansije mjesečne finansijske izvještaje u formi tabela u roku od 25 dana po isteku mjeseca za koji se daje izvještaj te isti objaviti na službenoj WEB stranici Općine.
- (3) Općinski načelnik putem Službe za privredu, budžet i finansije dužan je izraditi godišnji obračun za prethodnu godinu i potpisan i ovjeren od strane certificiranog računovođe i rukovodioca budžetskog korisnika predati Finansijsko-informatičkoj agenciji Federacije Bosne i Hercegovine (u daljem tekstu: FIA).
- (4) Općinski načelnik putem Službe za privredu, budžet i finansije dužan je dostaviti i jedan primjerak godišnjeg obračuna za prethodnu godinu, ovjerenog od strane FIA-e, Ministarstvu finansija Kantona Sarajevo i nadležnim institucijama u skladu sa zakonom i drugim propisima, najkasnije do kraja februara tekuće godine.
- (5) Općinski načelnik podnosi Općinskom Vijeću Informaciju o izvršenju Budžeta za šest mjeseci u roku od 60 dana od završetka obračunskog perioda.
- (6) Općinski načelnik obavezan je podnijeti Općinskom vijeću na usvajanje, godišnji izvještaj o izvršenju Budžeta Općine Novo Sarajevo u roku do 120 dana od završetka fiskalne godine.
- (7) Služba za privredu, budžet i finansije obavezna je tromjesečno izvještavati Općinskog načelnika o korištenju sredstava tekuće rezerve, a Općinski načelnik polugodišnje podnosi Izvještaj o utrošku sredstava odobrenih iz tekuće rezerve Općinskom vijeću.

**Član 30.**  
**(Nadzor i revizija)**

- (1) Nadzor zakonitosti, pravovremenosti i namjenskog korištenja sredstava iz Budžeta vrši budžetska inspekcija na način utvrđen Zakonom o budžetima u Federacije Bosne i Hercegovine ("Službene novine Federacije Bosne i Hercegovine", br.102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i Uredbom o budžetskom nadzoru u Federaciji Bosne i Hercegovine ("Službene novine Federacije Bosne i Hercegovine" broj 34/14).
- (2) Budžetski korisnik je obavezan urediti sistem interne kontrole u skladu sa Zakonom o finansijskom upravljanju i kontroli u javnom sektoru u FBiH, te međunarodnim standardima interne kontrole. Dužan je i organizovati internu reviziju u skladu sa Zakonom o internoj reviziji u javnom sektoru u Federaciji Bosne i Hercegovine ("Službene novine Federacije Bosne i Hercegovine", br. 47/08 i 101/16).
- (3) Rukovodstvo je dužno na osnovu preporuka interne revizije da definiše odgovarajuće akcione planove za otklanjanje nedostataka, te vrši praćenje implementacije tih planova.
- (4) Komisija za budžet i finansije vrši uvid u ostvarivanje prihoda i rashoda Općine, kao i raspolaganje i korištenje budžetskih sredstava od strane korisnika tih sredstava, prati izvršavanje zakona i akata Općinskog vijeća iz ove oblasti, te predlaže Općinskom vijeću donošenje odgovarajućih mjera u skladu sa utvrđenim nadležnostima.
- (5) Reviziju godišnjih izvještaja u skladu sa Zakonom o budžetima u Federaciji Bosne i Hercegovine, vrši Ured za reviziju institucija u Federaciji BiH.

**Član 31.**  
**(Donošenje provedbenih akata)**

Ovlašćuje se Općinski načelnik, da u okviru svojih nadležnosti o provedbi ove Odluke donosi pravilnike, uputstva, naredbe i druge akte.

**VI- KAZNE NE ODREDBE**

**Član 32.**  
**(Kazne)**

Za kršenje ove Odluke primjenjuju se odredbe člana 102 i 103. Zakona o budžetima u Federaciji Bosne i Hercegovine kao i kaznene odredbe drugih propisa na osnovu kojih se izvršava Budžet.

**VII - PRELAZNE I ZAVRŠNE ODREDBE**

**Član 33.**  
**(Transparentnost)**

- (1) Budžet, Odluka o izvršavanju Budžeta, Izmjena i dopuna Budžeta, Odluka o privremenom finansiranju, Godišnji izvještaj o izvršenju Budžeta, zaključci o izdvajanju sredstava iz tekuće rezerve objavit će se u Službenim novinama Kantona Sarajevo u roku od 10 dana od njihovog donošenja.
- (2) Budžet, Odluka o izvršavanju Budžeta, Izmjena i dopuna Budžeta, Odluka o privremenom finansiranju, te Godišnji izvještaj o izvršenju Budžeta objavit će se i na web stranici Općine u roku od 10 dana od njihovog donošenja.

**Član 34.**  
**(Primjena zakona)**

Na sva pitanja koja nisu regulisane ovom Odlukom, a tiču se izvršavanja, računovodstva i revizije Budžeta primjenjivat će se odredbe važećih zakonskih propisa.

**Član 35.**  
**(Stupanje na snagu)**

Odluka o izvršavanju Budžeta Općine Novo Sarajevo za 2022. godinu stupa na snagu osmog dana od dana objavljivanja u „Službenim novinama Kantona Sarajevo“ i važi za fiskalnu 2022. godinu.

Predsjedavajući  
Općinskog vijeća Novo Sarajevo

---

Robert Pleše

## Obrazloženje

### I Pravni osnov

Pravni osnov za donošenje Odluke o izvršavanju Budžeta Općine Novo Sarajevo za 2022. godinu je član 7. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", br. 102/13, 09/14, 13/14, 08/15, 91/15, 102/15, 104/16, 5/18, 11/19 i 99/19), član 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09) i član 19. Statuta Općine Novo Sarajevo ("Službene novine Kantona Sarajevo", br. 5/20-prečišćeni tekst i 20/20-ispravka). Članom 7. Zakona o budžetima u Federaciji Bosne i Hercegovine propisana je obaveza donošenja akta o izvršavanju Budžeta, kantona, grada i općina. Članom 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09) i članom 19. Statuta Općine Novo Sarajevo propisana je nadležnost Općinskog vijeća u donošenju budžeta.

### II Razlozi donošenja

Zakonska obaveza donošenja Budžeta za svaku fiskalnu godinu obavezuju istovremeno donošenje i akta kojim se propisuju pravila i način izvršavanja Budžeta za svaku fiskalnu godinu. Shodno tome, ova Odluka se donosi u cilju utvrđivanja načina izvršavanja Budžeta, upravljanja prihodima i izdacima Budžeta, prioritete u plaćanju, finansijsko izvještavanje, revizije i kontrole Budžeta, ovlaštenja Općinskog načelnika, te prava i obaveze korisnika budžetskih sredstava u izvršavanju Budžeta, kazne za neispunjavanje obaveza i druga pitanja vezana za izvršavanje Budžeta.

### III Obrazloženje predloženih rješenja

Članom 1.- 4. ove Odluke propisane su opće odredbe vezane za predmet Odluke, donošenje Budžeta, budžetski principi i fiskalna procjena.

Članom 5. ove Odluke propisan je sadržaj Budžeta uključujući i definisanje budžetskog korisnika .

Članom 6. ove Odluke uvrđuje se trezorskog poslovanje.

Članom 7. ove Odluke utvrđuje se plan novčanih tokova.

Članom 8. ove Odluke definiše se izrada i odobravanje tromjesečnih i mjesečnih operativnih planova kao i korištenje i prenošenje aproprijacija.

Članom 9. ove odluke definiše se pitanje uknjiženja i evidentiranja imovine,

Članom 10. ove Odluke definišu se prioritete izvršavanja budžeta.

Članom 11. ove Odluke definiše se preraspodjela budžetskih sredstava.

Članom 12. ove Odluke utvrđuju se i definišu odgovornosti za korištenje budžetskih sredstava.

Članom 13. ove Odluke utvrđuje se postupak izrade izjave o fiskalnoj odgovornosti.

Članom 14. ove Odluke utvrđuje se primjena Zakona o javnim nabavkama.

Članom 15. ove Odluke definiše se način izvršavanja sredstava budžeta, osnovica i bod za obračun plaće.

Članom 16. ove Odluke utvrđuje se izrada plana raspisivanja javnih poziva

Članom 17. ove Odluke definiše se primjena LOD metodologija kao i dinamika doznačavanja sredstava.

Članom 18. ove Odluke definiše se način korištenja sredstava posebne naknade za zaštitu od prirodnih i drugih nesreća.

Članom 19. ove Odluke definiše pravdanje namjenskih sredstava.

Članom 20. ove Odluke definiše se povrat pogrešno ili više uplaćenih sredstava i isplatu naknada po sudskim presudama.

Članom 21. ove Odluke definišu se planiranje i korištenje sredstava tekuće rezerve.

Članom 22. Ove Odluke utvrđuju se kriteriji za raspodjelu sredstava iz tekuće rezerve,

Članom 23. ove Odluke definišu se neplanirani namjenski prihodi, unos istih u Budžet kao i razgraničavanje neutrošenog dijela u budžet naredne godine.

Članom 24. ove Odluke definiše se proširenje djelatnosti i osnivanje novog budžetskog korisnika,

Članom 25. ove Odluke utvrđuje se obaveza investiranja javnih sredstava i način uplate prihoda ostvarenih investiranjem,

Članom 26. Ove Odluke utvrđuje se obavljanje platnog prometa putem Jedinственog Računa Trezora,

Članovima 27. i 28. ove Odluke definiše se priznavanje prihoda i primitaka i rashoda i izdataka te način stvaranja obaveza putem zaduživanja.

Članom 29. - 31. ove Odluke definišu se izvještavanje, nadzor i revizija i donošenje provedbenih akata.

Članom 32. ove Odluke definišu se kaznene odredbe.

Članom 33. – 35. definišu se objave u Službenim novinama i na web stranici općine, primjena zakona i momenat stupanja na snagu same odluke.

Općinski načelnik

---

Dr. Hasan Tanović